

**Athbhreithniú ar Rialachán Cur Chun Feidhme um Chumaisc agus
Athbhreithniú ar an bhFógra ón gCoimisiún maidir leis an Nós Imeachta Simplithe**

Nóta míniúcháin

I. Réamhrá

Is é is aidhm do rialú cumasc an Aontais a áirithiú maidir le hatheagruithe corparáideacha móra ('comhchruinnithe')¹ nach n-eascaíonn damáiste buan don iomaíocht astu trí bhac a chur ar an iomaíocht éifeachtach sa mhargadh inmheánach nó i gcuid shubstantiúil de. I Rialachán um Chumaisc an Aontais² tá na príomhrialacha maidir le measúnú a dhéanamh ar chomhchruinnithe. Le Rialachán (CE) Uimh. 802/2004 ón gCoimisiún an 7 Aibreán 2004 lena gcuirtear Rialachán um Chumaisc an Aontais chun feidhme, cumhdaítear saincheistean na nós imeachta a bhaineann le rialú cumasc an Aontais (an 'Rialachán Cur Chun Feidhme um Chumaisc'³).

I measc na gcomhchruinnithe lena mbaineann diminsean an Aontais agus a dtugtar fógra don Choimisiún fúthu gach bliain, cinntear nach n-eascaíonn ábhair imní i ndáil le hiomaíocht as ~93 % díobh agus faigheann siad imréiteach gan choinníoll⁴. Ina fhianaise sin, d'fhéach an Coimisiún in imeacht na mblianta chun (i) a acmhainní a dhíriú ar chásanna as a bhféadfadh ábhair imní i ndáil le hiomaíocht eascairt agus (ii) laghdú a dhéanamh (i gcás inar féidir) ar an ualach riaracháin a bhíonn i gceist le hathbhreithnithe ar chumaisc – ach gan lagú a dhéanamh ar an bhforfheidhmiú éifeachtach.

In 2000, thug an Coimisiún nós imeachta simplithe isteach le haghaidh catagóirí de chásanna cumaisc ar measadh ón tús nach n-eascaíonn ábhair imní i ndáil le hiomaíocht astu. Sna cásanna sin, ceanglaítear ar pháirtithe a bhfuil fógra á thabhairt acu méid faisnéise níos lú a sholáthar don Choimisiún (go háirithe trí fhoirm fógra níos giorra a úsáid), agus ní dhéanann an Coimisiún imscrúdú margaidh cuimsitheach, rud lena bhfágtar gur lú an méid faisnéise a cheanglaítear ar thríú páirtithe a thabhairt. Cuirtear na nósanna imeachta sin i gcrích níos gasta de ghnáth⁵.

In 2013, ghlac an Coimisiún roinnt beart ('pacáiste simplithe 2013') ag a raibh sé d'aidhm go príomha síneadh a chur le catagóirí na gcásanna simplithe agus laghdú a dhéanamh ar na ceanglais maidir le faisnéis le haghaidh fógraí faoi chumaisc⁶.

¹ Chun sainmhíniú ar chomhchruinnithe i rialú cumasc an Aontais a léamh, féach Airteagal 3 de Rialachán (CE) Uimh. 139/2004 ón gComhairle an 20 Eanáir 2004 maidir le comhchruinnithe a rialú idir gnóthais, IO L 24, 29.01.2004, lch. 1 ('Rialachán um Chumaisc an Aontais').

² Tháinig Rialachán um Chumaisc an Aontais in ionad Rialachán (CEE) Uimh. 4064/89 ón gComhairle an 21 Nollaig 1989 maidir le comhchruinnithe a rialú idir gnóthais, IO L 395, 30.12.1989, lch. 1.

³ IO L 133, 30.04.2004, lch. 1. Tháinig an Rialachán Cur Chun Feidhme um Chumaisc in ionad Rialachán (CE) Uimh. 447/98 ón gCoimisiún an 1 Márta 1998 maidir leis na fógraí, teorainneacha ama agus éisteachtaí dá bhforáiltear i Rialachán (CEE) Uimh. 4064/89 ón gComhairle, IO L 61, 02.03.1998, lch. 1.

⁴ In 1990-2020, tháinig an Coimisiún ar an gconclúid go bhféadfadh comhchruinnithe cosc suntasach a chur ar an iomaíocht éifeachtach in 7.14 % ar an meán de na cumaisc uile a dtugtar fógra fúthu go bliantúil.

⁵ Fógra ón gCoimisiún maidir le nós imeachta simplithe chun comhchruinnithe áirithe a láimhseáil faoi Rialachán (CEE) Uimh. 4064/89 ón gComhairle, IO C 217, 29.07.2000, lch. 32.

⁶ Le pacáiste simplithe 2013, áiríodh an Rialachán Cur Chun Feidhme (AE) Uimh. 1269/2013 ón gCoimisiún an 5 Nollaig 2013 lena leasaítear Rialachán (CE) Uimh. 802/2004 ón gCoimisiún lena gcuirtear chun feidhme Rialachán (CE) Uimh. 139/2004 ón gComhairle maidir le comhchruinnithe a rialú idir gnóthais (IO C 366, 14.12.2013, lch. 1) agus Fógra ón gCoimisiún maidir le nós imeachta simplithe chun comhchruinnithe áirithe a láimhseáil faoi Rialachán (CE) Uimh. 139/2004 ón gComhairle (IO C 366, 14.12.2013, lch. 5, ceartúchán: IO C 11, 15.01.2014, lch. 6.) (an 'Fógra maidir leis an Nós Imeachta Simplithe').

In 2016, sheol an Coimisiún meastóireacht ar ghnéithe nós imeachta agus dlínse a bhaineann le rialú cumasc an Aontais (an ‘Mheastóireacht’)⁷.

I mí an Mhárta 2021, d’fhoilsigh an Coimisiún achoimre ar thorthaí na Meastóireachta⁸. Léiríodh leis an Meastóireacht gur fearr a díriodh acmhainní an Choimisiúin le pacáiste simplithe 2013 ar na cásanna ba chasta agus gur laghdaíodh an t-ualach riaracháin leis, gan dochar a dhéanamh d’éifeachtacht rialú cumasc an Aontais. Dá thoradh sin, d’eascair coigilteas costais suntasach as pacáiste simplithe 2013 le haghaidh páirtithe a bheidh ag cumasc le chéile agus don Choimisiún. Leis an Meastóireacht freisin, moladh go bhfuil cásanna breise ann nach mbaineann fadhbanna leo go hiondúil ach nach gcuimsítear leis an nós imeachta simplithe faoi láthair agus go mb’fhéidir go bhfuil na ceanglais maidir le faisnéis i bhfógraí róleathan le haghaidh comhchruinnithe áirithe. Cruthaítear ualach nach gá leis sin le haghaidh an Choimisiúin agus na bpáirtithe atá ag gabháil do chumasc agus eascraíonn moilleanna as freisin. An tráth céanna, tugadh le fios leis an Meastóireacht go bhfuil tuilleadh soiléireachta ag teastáil maidir leis na himthosca i dtaca le cás, atá cáilithe ar bhonn teicniúil don láimhseáil shimplithe, ach ar cheart don Choimisiún athbhreithniú a dhéanamh air mar chás neamhsimplithe.

I mí an Mhárta 2021, tar éis thorthaí na Meastóireachta, sheol an Coimisiún measúnú tionchair chun féachaint ar roghanna difriúla chun athbhreithniú a dhéanamh ar an Rialachán Cur Chun Feidhme um Chumasc agus ar an bhFógra maidir leis an Nós Imeachta Simplithe⁹. Le linn chéim sin an mheasúnaithe tionchair, chruinnigh an Coimisiún fianaise trí (i) comhairliúchán poiblí oscailte (26 Márta 2021-18 Meitheamh 2021); (ii) comhráite le páirtithe leasmhara agus le húdaráis iomaíochta náisiúnta in LEE; agus (iii) taighde inmheánach agus comhairliúcháin inmheánacha chun measúnú a dhéanamh ar na rioscaí agus ar na tairbhí a bhaineann le roghanna difriúla.

Bunaithe ar an bhfianaise sin, d’ullmhaigh an Coimisiún dréacht-Rialachán Cur Chun Feidhme athbhreithnithe um Chumasc (lena n-áirítear 4 iarscríbhinn agus a bhfuil Fógra IO ag gabháil leis) mar aon le dréacht-Fhógra athbhreithnithe maidir leis an Nós Imeachta Simplithe. Leis na dréacht-doiciméid sin, cuirtear san áireamh an fhianaise uile a bailíodh go dtí seo mar chuid de mheasúnú tionchair an Choimisiúin.

⁷ *Roadmap on the evaluation of procedural and jurisdictional aspects of EU merger control* [Treochlár maidir leis an meastóireacht ar ghnéithe nós imeachta agus dlínse a bhaineann le rialú cumasc an Aontais], ar fáil ag https://ec.europa.eu/smart-regulation/roadmaps/docs/2017_comp_003_evaluation.pdf.

⁸ *Doiciméad Inmheánach Oibre de chuid an Choimisiúin, ‘Evaluation of procedural and jurisdictional aspects of EU merger control’* [‘Meastóireacht ar ghnéithe nós imeachta agus dlínse a bhaineann le rialú cumasc an Aontais’], 26.03.2021, SWD (2021) 66 final.

⁹ ‘Athbhreithniú ar Rialachán (CE) Uimh. 802/2004 ón gCoimisiún lena gcuirtear chun feidhme Rialachán (CE) Uimh. 139/2004 ón gComhairle maidir le comhchruinnithe a rialú idir gnóthais agus an Fógra ón gCoimisiún maidir le nós imeachta simplithe chun comhchruinnithe áirithe a láimhseáil’, Ref. Ares(2021)2139418 - 26/03/2021, ar fáil ag https://ec.europa.eu/info/law/better-regulation/have-your-say/initiatives/12957-Merger-control-in-the-EU-further-simplification-of-procedures_en. Is é an cuspóir ginearálta atá á shaothrú leis an measúnú tionchair sin feabhas a chur ar nósanna imeachta um rialú cumasc an Aontais arb é is aidhm dóibh damáiste buan don iomaíocht sa mhargadh inmheánach a chosc, ar damáiste é a eascraíonn as cumaisc fhrithiomaíocha. Is iad na cuspóirí sonracha (i) díriú níos fearr ar an bpróiseas athbhreithniúcháin ar chumasc, rud lena ligfear don Choimisiún a imscrúduithe a dhíriú ar na cásanna ar fiú athbhreithniú níos mionsonraithe a dhéanamh orthu agus (ii) laghdú a dhéanamh ar an líon costas agus ualaí riaracháin a bhaineann leis an bpróiseas athbhreithniúcháin ar chumasc.

An 06 Bealtaine 2022, sheol an Coimisiún comhairliúcháin poiblí maidir le dréacht- Rialachán Cur Chun Feidhme athbhreithnithe um Chumaisc mar aon le dréacht- Fhógra athbhreithnithe maidir leis an Nós Imeachta Simplithe. Is é cuspóir an chomhairliúcháin phoiblí sin aiseolas a chruinniú ó pháirtithe leasmhara faoin dréacht- Rialachán Cur Chun Feidhme athbhreithnithe um Chumaisc agus faoin dréacht- Fhógra athbhreithnithe maidir leis an Nós Imeachta Simplithe, agus go háirithe faoi na hathruithe atá á moladh ag an gCoimisiún. Déanann an comhairliúcháin poiblí maidir leis na dréachtaí sin dlúthchuid den aimsiú fóras a dhéanann an Coimisiún. Cuirfidh sé eolas ar fáil don mheasúnú tionchair, ar a mbeidh leaganacha deiridh den Rialachán Cur Chun Feidhme athbhreithnithe um Chumaisc bunaithe mar aon leis an bhFógra athbhreithnithe maidir leis an Nós Imeachta Simplithe.

II. Achoimre agus míniú ar na príomhathruithe sna dréacht- doiciméid

Leis an gcuid atá fágtha den nóta seo, déantar achoimre agus mínítear na príomhathruithe sa dréacht- Rialachán Cur Chun Feidhme athbhreithnithe um Chumaisc mar aon leis an dréacht- Fhógra athbhreithnithe maidir leis an Nós Imeachta Simplithe. Tá sé leagtha amach mar a leanas. Le Roinn II.A pléitear togra an Choimisiúin síneadh a chur leis na catagóirí cásanna a d'fhéadfadh tairbhiú den láimhseáil shimplithe agus na catagóirí sin a shoiléiriú. Le Ranna II.B agus II.C faoi seach, breathnaítear ar thograí an Choimisiúin chun cuíchóiriú a dhéanamh ar an athbhreithniú ar chásanna simplithe agus neamhsimplithe. Le Roinn II.D díritear ar na tograí maidir le tarchur doiciméad chuig an gCoimisiún (lena n- áirítear fógraí).

II.A. Na catagóirí cásanna simplithe a leathnú agus a shoiléiriú

Léiríodh leis an Meastóireacht go mb'fhéidir go bhfuil beagán de raon feidhme ann, cé go mb'fhéidir gur teoranta féin é, chun síneadh breise a chur leis na catagóirí cásanna simplithe nó chun solúbthacht bhreise a thabhairt isteach maidir leis an athbhreithniú ar chásanna faoin nós imeachta simplithe nach gcuimsítear faoi aon cheann de na catagóirí cásanna simplithe reatha ach nach dócha gurb ann d'aon ábhar imní i ndáil le hiomaíocht ina leith. Bhí moladh sa Mheastóireacht freisin go soiléireofaí na cásanna inar féidir leis an gCoimisiún athbhreithniú a dhéanamh ar chomhchruinniú faoin nós imeachta neamhsimplithe cé go mbeadh an cás cáilithe ar bhonn teicniúil don láimhseáil shimplithe.

Ina fhianaise sin agus ag cur leis an bhfianaise atá bailithe go dtí seo i gcomhthéacs an mheasúnaithe tionchair, molann an Coimisiún na hathruithe a leanas ar an bhFógra maidir leis an Nós Imeachta Simplithe.

Ar an gcéad dul síos, tá an Coimisiún ag beartú athbhreithniú a dhéanamh ar phointe 5 den Fhógra maidir leis an Nós Imeachta Simplithe chun dhá chatagóir nua de chásanna a shainaithint ar cásanna iad ar féidir leo tairbhiú den láimhseáil shimplithe, nuair a bhíonn caidrimh ingearacha i gceist leo:

- a. Faoi gach sainiú margaidh is inchreidte, tá an sciar den mhargadh réamhtheachtach atá go haonarach nó le chéile ag na páirtithe sa chomhchruinniú faoi bhun 30 % agus tá an sciar ceannaithe atá acu le chéile faoi bhun 30 %; agus
- b. Faoi gach sainiú margaidh is inchreidte, tá an sciar den mhargadh réamhtheachtach agus iarteachtach atá go haonarach nó le chéile ag na páirtithe sa chomhchruinniú faoi bhun 50 % agus tá Deilte HHI faoi bhun 150 agus tá an gnóthas atá níos lú i dtéarmaí sciar den mhargadh mar an gcéanna sna margaí réamhtheachtacha agus iarteachtacha.

Ar an dara dul síos, tá an Coimisiún ag beartú clásal solúbthachta a thabhairt isteach sa dréacht- Fhógra athbhreithnithe maidir leis an Nós Imeachta Simplithe (pointí 8 agus 9). Leis na hathruithe sin cheadófaí don Choimisiún comhchruinnithe a láimhseáil faoin nós imeachta simplithe ar comhchruinnithe iad nach dtagann *a priori* faoi aon cheann de na catagóirí maidir le láimhseáil shimplithe (a leagtar amach i bpointe 5). Mar shampla, áirítear leis an dréacht- Fhógra athbhreithnithe maidir leis an Nós Imeachta Simplithe:

- a. Clásal solúbthachta le haghaidh forluite cothrománacha i gcás inar 20-25 % an sciar den mhargadh atá le chéile ag na páirtithe sa chomhchruinniú agus le haghaidh caidrimh ingearacha i gcás inar 30-35 % na sciartha den mhargadh réamhtheachtach agus den mhargadh iartheachtach atá go haonarach nó le chéile ag na páirtithe;
- b. Clásal solúbthachta maidir le comhfhiontair ag a bhfuil láimhdeachas agus acmhainní idir EUR 100 agus 150 milliún in LEE; agus
- c. Clásal solúbthachta le haghaidh caidrimh ingearacha i gcás nach mó ná 50 % in aon mhargadh amháin ná 10 % sa mhargadh eile na sciartha den mhargadh atá go haonarach nó le chéile ag na páirtithe sa chomhchruinniú.

Ar an tríú dul síos, tá an Coimisiún ag beartú athbhreithniú a dhéanamh ar an bhFógra maidir leis an Nós Imeachta Simplithe chun liosta níos soiléire agus níos mionsonraithe a áireamh de na himthosca nuair nach mór imscrúdú mar chás neamhsimplithe a dhéanamh ar chomhchruinniú atá cáilithe ar bhonn teicniúil don láimhseáil shimplí¹⁰.

II.B. Cuíchóiriú a dhéanamh ar an athbhreithniú ar chásanna simplithe

Léiríodh leis an Meastóireacht, tar éis phacáiste simplithe 2013, go bhfuil laghdú tagtha i gcoitinne ar an líon ceanglas maidir le faisnéis i roinnt cásanna agus ar fhad na gcomhráití réamhfhógra, go háirithe le haghaidh cásanna simplí. Mar sin féin, b'fhéidir gurbh fhéidir cuíchóiriú breise a dhéanamh ar an líon ceanglas maidir le faisnéis i gcásanna simplí agus fógra a thabhairt faoi líon níos mó de na cásanna sin gan réamhfhógra.

Ina fhianaise sin agus ag cur leis an bhfianaise atá bailithe go dtí seo sa mheasúnú tionchair, tá an Coimisiún ag beartú an dréacht- Fhoirm Ghearr athbhreithnithe CO a chur in ionad na Foirme Giorra CO (a áirítear in Iarscríbhinn II den Rialachán Cur Chun Feidhme um Chumaisc sa lá atá inniu ann).

I gcodarsnacht leis an bhfoirm a úsáidtear sa lá atá inniu ann, ar ceisteanna téacs oscailte is mó atá inti, is éard go príomha a áirítear sa dréacht- Fhoirm Ghearr athbhreithnithe CO (in Iarscríbhinn II den dréacht- Rialachán Cur Chun Feidhme athbhreithnithe um Chumaisc) ceisteanna ilrogha agus táblaí nach mór a chomhlánú le focail agus le figiúirí. Dá thoradh sin, thiocfadh an próiseas maidir le fógra a thabhairt faoi chásanna simplithe chun bheith níos gasta agus ní bheadh an oiread d'ualach leis le haghaidh na bpáirtithe sa chomhchruinniú agus le haghaidh an Choimisiúin. Tuilleadh sonraí:

- a. Leis an dréacht- Fhoirm Ghearr athbhreithnithe CO, déantar cuíchóiriú ar cheisteanna an Choimisiúin maidir le measúnú dlínse ar an gcomhchruinniú. Cé go bhfuil ceisteanna téacs oscailte i Roinn 3 den fhoirm a úsáidtear sa lá atá inniu ann, áirítear liosta i Roinn 6 den Fhoirm Ghearr CO athbhreithnithe de ráitis maidir leis na fíorais bhunúsacha is ábhartha le haghaidh an mheasúnaithe dlínse ar an gcomhchruinniú. Ní mór do pháirtithe a bhfuil fógra á thabhairt acu ceann amháin nó níos mó de na ráitis sin a roghnú.

¹⁰ Pointí 11ff. den dréacht- Fhógra athbhreithnithe maidir leis an Nós Imeachta Simplithe.

- b. Leis an dréacht-Fhoirm Ghearr athbhreithnithe CO, déantar cuíchóiriú ar cheisteanna an Choimisiúin maidir leis an measúnú substainteach ar an gcomhchruinniú. Leis an bhfoirm a úsáidtear sa lá atá inniu ann, áirítear Ranna 6 agus 7,¹¹ 8,¹² agus 9¹³ agus is gá freagraí téacs oscailte a thabhairt iontu uile. Ina áit sin, tá an méid a leanas sa dréacht-Fhoirm Ghearr athbhreithnithe CO:
- Roinn 7 maidir leis an gcatagóir láimhseála simplithe arb é sin an catagóir lena mbaineann an comhchruinniú. Sa roinn sin, ní mór do na páirtithe a bhfuil fógra á thabhairt acu catagóir amháin nó níos mó a roghnú (trí thic a chur sa bhosca ábhartha);
 - Ranna 8-10 maidir le forluití cothrománacha agus le caidrimh ingearacha. Táblaí is mó atá sna ranna sin i gcás inar gá do na páirtithe a bhfuil fógra á thabhairt acu focail a chur isteach (e.g., ainmneacha iomaitheoirí) nó figiúirí (e.g., sciartha den mhargadh); agus
 - Roinn 11 maidir le 'coimircí agus eisiaimh'. Baineann sé sin leis na himthosca lena bhfágfaí go ndéanfaidh an Coimisiún athbhreithniú faoin nós imeachta neamhsimplithe ar chás atá cáilithe ar bhonn teicniúil don láimhseáil shimplithe. Áirítear leis an roinn liosta de na coimircí agus de na heisiaimh ábhartha agus ní mór do na páirtithe a bhfuil fógra á thabhairt acu a léiriú más rud é gurbh infheidhme aon cheann acu trí 'Tá' nó 'Níl' a roghnú.

Ar deireadh, tá an Coimisiún ag beartú athbhreithniú a dhéanamh ar an bhFógra maidir leis an Nós Imeachta Simplithe chun catagóir nua cásanna a thabhairt isteach ar cásanna iad ar féidir leo tairbhiú den láimhseáil 'shárshimplithe'. Leis an gcatagóir sin áirítear comhchruinnithe a thagann faoi phointe 5(a) den dréacht-Fhógra athbhreithnithe maidir leis an Nós Imeachta Simplithe ('comhfhiontair lasmuigh de LEE') agus gach cás nach ann d'aon fhorluí cothrománach ná caidreamh neamhchothrománach idir gníomhaíochtaí na bpáirtithe a bheidh ag cumasc le chéile (pointe 5(c) den dréacht-Fhógra athbhreithnithe maidir leis an Nós Imeachta Simplithe). Ní mór do na páirtithe fógra a thabhairt faoi na comhchruinnithe sin trí thic a chur sna boscaí ábhartha den dréacht-Fhoirm Ghearr CO athbhreithnithe (Roinn 7) gan de cheanglas orthu ranna 8-11 a chomhlánú. Iarrtar ar pháirtithe fógra a thabhairt faoi na comhchruinnithe sin go díreach gan teagmhálacha réamhfhógra.

II.C. Cuíchóiriú a dhéanamh ar an athbhreithniú ar cásanna neamhsimplithe

Bunaithe ar an taithí atá faighte ag an gCoimisiún ina chleachtas forfheidhmiúcháin in imeacht na mblianta, ba léir ar thorthaí na Meastóireachta go bhféadfaí cuíchóiriú a dhéanamh ar roinnt ceanglas maidir le faisnéis i gcásanna neamhsimplithe. Go háirithe, b'iomchuí modhnuithe a thabhairt isteach ar struchtúr na Foirme CO agus laghdú a dhéanamh ar cheanglais maidir le faisnéis.

Ina fhianaise sin agus ag cur leis an bhfianaise atá bailithe i gcomhthéacs an mheasúnaithe tionchair, tá an Coimisiún ag beartú athbhreithniú a dhéanamh ar an bhFoirm CO (a áirítear in Iarscríbhinn I den Rialachán Cur Chun Feidhme um Chumaisc sa lá atá inniu ann) mar a leanas¹⁴.

¹¹ Maidir le faisnéis mhargaidh le haghaidh cásanna ina n-eascróidh forluití cothrománacha nó caidrimh ingearacha as an gcomhchruinniú.

¹² Maidir le faisnéis mhargaidh le haghaidh cásanna nach n-eascraíonn forluití cothrománacha ná caidrimh ingearacha as an gcomhchruinniú.

¹³ Maidir leis na héifeachtaí comhoibritheacha ag comhfhiontair.

¹⁴ Tá an Coimisiún ag beartú athbhreithniú a dhéanamh ar an bhFoirm AR freisin (in Iarscríbhinn III den Rialachán Cur Chun Feidhme um Chumaisc) agus ar an bhFoirm RM (in Iarscríbhinn IV den Rialachán Cur Chun Feidhme um Chumaisc).

Ar an gcéad dul síos, tá an Coimisiún ag beartú treoracha soiléire a sholáthar do pháirtithe a bhfuil fógra á thabhairt acu agus atá ag pleanáil tarscaoiltí ar Ranna nó ar Fhoranna áirithe den dréacht- Fhoirm CO athbhreithnithe a iarraidh. Tá an Coimisiún ag beartú freisin na codanna den dréacht- Fhoirm CO athbhreithnithe a shainaithint ar codanna iad atá oiriúnach go háirithe le haghaidh iarraidh ar tharscaoileadh¹⁵ (lena n-áirítear roinnt ceisteanna ó Roinn 8 den Fhoirm CO reatha).

Ar an dara dul síos, déanann an Coimisiún na ceanglais maidir le faisnéis a theorannú le haghaidh margaí a thairbhíonn de na clásail solúbthachta i bpointe 8 den dréacht- Fhógra Simplithe athbhreithnithe¹⁶. Déantar cuíchóiriú leis sin ar chodanna ábhartha den Fhoirm CO reatha, i gcás ina mbreithneofar go ndéantar difear do na margaí sin agus go bhfuil na ceanglais maidir le faisnéis is infheidhme i bhfad níos forleithne.

Ar an tríú dul síos, tá an Coimisiún ag beartú táblaí a áireamh lena gceanglaítear faisnéis maidir le forluití cothrománacha agus le caidrimh ingearacha a bhaineann le táirgí píblíne. Leis na táblaí sin, féachann an Coimisiún le hiarrataí ar fhaisnéis ó fhoirne difriúla cáis a aonchineálú, ar iarrataí iad a bhaineann le táirgí píblíne agus leis an gcleachtas a chur ar bhonn foirmiúil maidir le páirtithe a bhfuil fógra á thabhairt acu a bheith ag soláthar faisnéis mhionsonraithe ar tháirgí píblíne, go háirithe in earnálacha inar príomhpharaiméadar den iomaíocht é an nuálaíocht.

Ar an gceathrú dul síos, tá an Coimisiún ag beartú deireadh iomlán a chur le ceanglais áirithe maidir le faisnéis i Roinn 8 den Fhoirm CO reatha, a bhaineann le ‘Comharchomhaontuithe’, ‘Trádáil idir na Ballstáit agus allmhairí as taobh amuigh de LEE’, agus ‘Comhlachais trádála’.

II.D. Fógraí leictreonacha a thabhairt isteach

I ngeall ar bhearta eisceachtúla a rinneadh i gcomhthéacs COVID- 19, tá an Coimisiún ag glacadh le fógraí i bhformáid dhigiteach go sealadach ó mhí na Bealtaine 2020 agus go deimhin, spreagann sé fógraí san fhormáid sin. Bunaithe ar an taithí sin agus chun claochlú digiteach an Choimisiúin a chur chun cinn, is iomchuí rialacha (buana) a leagan síos maidir le tarchuir dhigiteacha doiciméad i gcomhthéacs rialú cumasc an Aontais.

Ina fhianaise sin agus ag cur leis an bhfianaise atá bailithe i gcomhthéacs an mheasúnaithe tionchair, tá an Coimisiún ag beartú go leagfar síos sa dréacht- Rialachán Cur Chun Feidhme athbhreithnithe um Chumaisc, gurb amhlaidh amach anseo, maidir le tarchur doiciméad chuig an gCoimisiún agus uaidh, go dtarlóidh sé sin trí mhodhanna digiteacha go príomha (Airteagal 22 den dréacht- Rialachán Cur Chun Feidhme athbhreithnithe um Chumaisc). Áirítear fógraí leis sin¹⁷.

¹⁵ Foranna 3.4, 3.5, 3.6, agus 3.7 agus Roinn 10 den Fhoirm CO seo.

¹⁶ Féach Roinn II.A. thuas.

¹⁷ Déantar foráil maidir le sásra cúltaca freisin inar féidir doiciméid a tharchur chuig Ard- Stiúrthóireacht na hlomaíochta de chuid an Choimisiúin sa phost nó trí bhíthin a sheachadadh de láimh (in imthosca eisceachtúla agus ar mhaithe le leanúnachas gnó).